

KANTONALNA
PRIVREDNA
KOMORA TUZLA,
BROJ 10 i 11
oktobar/novembar
2013. GODINE



KOMORSKI INFORMATOR

KANTONALNA
PRIVREDNA
KOMORA TUZLA

KANTONALNA PRIVREDNA
KOMORA TUZLA

12. MEĐUNARODNI SAJAM PRIVREDE "BRČKO 2013"
MEĐUNARODNI SAJAM PRIVREDE "BRČKO 2013"
MEĐUNARODNI SAJAM GOSPODARSTVA "BRČKO 2013"
od 14. do 17. NOVEMBRA 2013.



MJERE ZA PREVAZILAŽENJE
STANJA U PRIVREDI TK-a



SJEDNICA UPRAVNOG
ODBORA KOMORE



PRIJEDLOG ZAKONA O
IZMJENAMA I DOPUNAMA
ZAKONA O STEČAJNOM
POSTUPKU FBiH



12. SAJAM PRIVREDE
"BRČKO 2013"

Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Suad Selimović, član
5. Nurdin Žunić, član

Redakcijski kolegij:

1. Nedret Kikanović, član
2. Esad Arnautović, član
3. Nurudin Žunić, član
4. Suad Selimović, član

Izdavač:

Kantonalna privredna
komora Tuzla

Gl i odgovorni urednik:

Dino Kalesić, dipl. žurnalista

**Tehnička priprema, repro i
štampa**

C.P.A. Tojšići- Kalesija

Za štampariju:

Vildan Uščuplić-generalni direktor

Tiraž:

500 primjeraka,

Adresa:

Trg slobode bb
e-mail: komora@kpkt.ba
http://www.kpktz.ba

Ministarstvo obrazovanja, nauke, kulture i sporta na osnovu Člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30.04.1999. godine, dalo je mišljenje o oslobađanju poreza na promet glasila "Komorski informator".

SADRŽAJ:



**MJERE ZA PREVAZILAŽENJE STANJA
U PRIVREDI TK**

4 i 5



**"NEOPHODNO GRAĐENJE POLITIČKOG
AMBIJENTA ZA RAZVOJ EKONOMIJE"**

6



**"PRIVREDI JE POTREBNA
SIGURNOST"**

7



**SJEDNICA UPRAVNOG ODBORA
KOMORE**

8



**"PROIZVODNJA CEMENTA I
OKOLIŠNI ZAHTJEVI"**

9



**NELEGALN RAD I NELOJALNA
KONKURENCIJA I DALJE PROBLEM**

10



**SASTANAK ODBORA U RUDNIKU
SOLI TUŠANJ**

11



**PRIJEDLOG ZAKONA O IZMJENAMA I
DOPUNAMA ZAKONA O STEČAJNOM
POSTUPKU FBiH**

12 i 13



**"TRADICIJA DUGA 55 GODINA
NAJBOLJA JE PREPORUKA ZA VAŠE
POVJERENJE"**

14



**POMOĆ IZVOZNICIMA U EU I
ŠVICARSKU**

15



**NLB BANKA TRADICIONALNO UZ
MLADE**

16



**PREDSTAVLJAMO: "KOMBAX d.o.o.
LUKAVAC**

17



**"PRIVREDA TK" NA SAJMOVIMA U
ZENICI I BRČKOM**

18 i 19

CPA d.o.o. - vodeći proizvođač komercijalne ambalaže u BiH



www.cpa.ba

mail: info@cpa.ba tel: +387 35 635 095



GRAFIČKA PRIPREMA



SAVREMENA TEHNOLOŠKA I INFORMACIONA DOSTIGNUĆA



OFFSET ŠTAMPA



PROIZVODNJA REGISTRATORA



Ambalaža za automobilsku industriju


Ambalaža za prehrambenu industriju

Ambalaža za konditorsku industriju

Ambalaža za farmaceutsku industriju

Ambalaža za kozmetičku industriju

Ambalaža za duhansku industriju





Dokument za tematsku sjednicu Skupštine TK...

MJERE ZA PREVAZILAŽENJE STANJA U PRIVREDI TK-a



**Kantonalna
privredna
komora Tuzla**

Strategijom razvoja Tuzlanskog kantona za period 2008 – 2013. definisani su najbitniji strateški ciljevi razvoja Tuzlanskog kantona i to:

1. Ubrzanje ekonomskog rasta
2. Razvoj ljudskih resursa i unapređenje kvaliteta života
3. Prepoznatljivost Tuzlanskog kantona u BiH, regionu i evropskom okruženju
4. Uravnoteženost i održivost razvoja na TK
5. Postizanje društvenog konsenzusa i podizanje kapaciteta razvoja TK.

U skladu s definisanim strateškim ciljevima, Kantonalna privredna komora Tuzla predlaže sljedeće mjere za unapređenje i razvoj privrede :

1. Aktivirati moguće uštede u Budžetu te redefinisati mjere koje moraju imati razvojnu komponentu tj. podsticaj izvoza i zapošljavanja. Uspostaviti neposrednu koordinaciju sa općinama vezano za uštede i podsticaje. Javna preduzeća Tuzlanskog kantona takođe trebaju uvesti mjere štednje i smanjenja administrativnih troškova.
2. Osiguranje povoljnih kreditnih sredstava privrednicima i obrtnicima na Tuzlanskom kantonu.
Uslovi kreditiranja:
 - oformiti kreditni fond na Tuzlanskom kantonu iz kojeg će se regresirati kamata,
 - kamata 3,25 – 3,50%
 - rok povrata 10 godina
 - mogućnost reprograma postojećih kredita kod izvoznih firmi kao i firmi iz poljoprivredne i prehrambene industrije
 - regresiranje kamata na proizvodne investicije
 - pojednostavljenje procedure dobivanja kredita kod Razvojne banke i komercijalnih banaka i otvaranje povoljnih kreditnih linija za izvoznike.
3. Povećati garantni fond Tuzlanskog kantona proizvodnim firmama i izvoznicima koji nemaju dovoljnih sredstava za garancije za dobijanje kredita.
4. Potpora izvoznom sektoru - Osigurati dodatna sredstva za promociju privrede Tuzlanskog kantona na ino tržištu:
 - izdvojiti dodatna sredstva iz Budžeta Tuzlanskog kantona za promociju
 - maksimalno iskoristiti sve društveno-ekonomske odnose sa susjednim i ostalim regijama.

5. Zadržati postojeći nivo cijena komunalnih usluga i ostalih naknada na nivou lokalnih zajednica na Tuzlanskom kantonu za vrijeme trajanja ovih mjera prema građanima i privrednim subjektima.
6. Podsticanje direktnih stranih ulaganja i prijenosa tehnologija te:
 - uvesti ubrzani postupak dobijanja svih dozvola u roku od 45 dana za veća direktna strana ulaganja
 - pokrenuti prijenos novih tehnologija i inovacija u skladu sa standardima EU putem fondova EU.
7. Smanjenje svih taksi i naknada prilikom pokretanja i obavljanja privredne djelatnosti koje su u nadležnosti Tuzlanskog kantona.
8. Povećanje domaće tražnje kroz realizaciju infrastrukturnih projekata (usmjereno za najugroženije sektore: građevinarstvo i industriju građevinskih materijala, industriju metala i nemetala)
 - pokrenuti aktivnosti za izgradnju auto puta Tuzla-Rijeka Sava i brze ceste Tuzla-Sarajevo
 - izgradnja stambenih jedinica za građane i boračku populaciju
 - razvoj infrastrukture u ruralnim oblastima putem povoljnih kreditnih linija i samofinansiranja građana (emisija obveznica)
 - insistirati na bržoj realizaciji projekata iz „Strateškog plana i programa razvoja energetskog sektora Federacije BiH“ koji se odnosi na Tuzlanski kanton.
9. Smanjenje neformalnog sektora, unapređenje zakonske regulative jačanjem svih kontrolnih funkcija, inspeksijskih službi i nadzornih organa na Tuzlanskom kantonu (saobraćaj, građevinarstvo, trgovina, turizam i ugostiteljstvo)
10. Povećanje konkurentnosti privrede kroz:
 - edukacija, prekvalifikacija i dokvalifikacija u oblasti ljudskih resursa u skladu sa potrebama tržišta rada
 - sufinansiranje obuke za izradu aplikacija za projekte iz fondova EU
 - sufinansiranje uvođenja ISO za MSP.





11. Osiguranje sredstava za robne rezerve Tuzlanskog kantona uz obaveznu kupovinu proizvoda domaće proizvodnje.
12. U oblasti drvoprerađivačke industrije, tekstilne i obučarske industrije zadržati nivo uposlenosti, obezbijediti podsticaj za izvoz u cilju konkurentnosti naših privrednih subjekata.
13. Održavanje životnog standarda najugroženijim kategorijama stanovništva
 - osigurati sredstva u budžetima Kantona i općina za održavanje životnog standarda najugroženijih kategorija stanovništva
 - po općinama Tuzlanskog kantona sačiniti socijalnu kartu stanovništva
14. Animirati visoko obrazovanje i naučne institucije Tuzlanskog kantona u cilju predlaganja razvojnih programa i mogućnosti investiranja u privredu na Tuzlanskom kantonu te pokrenuti izradu strategije obrazovanja.
15. Efikasnije korištenje budžetskih sredstava za poljoprivredu u cilju povećanja poljoprivredne proizvodnje.
 - striktna primjena Zakona i podzakonskih akata u oblasti podsticaja za poljoprivredu usklađenim sa agrorokovima i ciklusima proizvodnje
 - uspostaviti bazu podataka u elektronskoj formi o korisnicima poljoprivrednih podsticaja, (mlijeka, mesa, voća i povrća) njihovim izvještajima o utrošku sredstava i povećanju proizvodnje
 - stimulisati osnivanje specijalizovanih poljoprivrednih zadruga proizvođača sa malim posjedima
 - formirati berzu poljoprivrednih proizvoda i otkup za robne rezerve
 - poduzeti mjere za hitno rješavanje stečajnog postupka u firmama iz poljoprivredno-prehrambenog sektora
 - u cilju zaštite stočnog fonda i unapređenja stočarstva uspostaviti potpunu kontrolu obilježavanja životinja
 - uspostaviti nadzor funkcionisanja mljekarskog lanca u cilju upošljavanja ruralnog stanovništva
 - podsticati razvoj voćarstva i povrtlarstva razvojem primarne dorade i prerade u finalne proizvode
 - obezbijediti povoljna startna ulaganja za plasteničku proizvodnju povrća, gljivarstvo i pčelarstvo kao mogućnost zapošljavanja prigradskog stanovništva
16. Izraditi Strategiju razvoja industrije tekstila, kože i obuće na TK sukladno postojećim strateškim dokumentima na nivou FBiH. U okviru tekstilne i obučarske industrije, uvezati radni staž uposlenika za prethodni period, riješiti problem neisplaćenih refundacija za trudničko bolovanje i uvesti stimulaciju za izvoznike kao i novčane premije po radniku u cilju podrške ovoj industriji.
17. U oblasti trgovine i ugostiteljstva tražiti što veću zastupljenost domaćih proizvoda na području Tuzlanskog kantona (svi trgovački lanci, hoteli, restorani i drugi ugostiteljsko-turistički objekti).
18. Pokrenuti kantonalni projekat "Proizvodimo kupujemo domaće" u cilju podizanja svijesti građana o značaju kupnje domaćih proizvoda uz podršku svih raspoloživih medija na Tuzlanskom kantonu (TV, radio i printani mediji).
19. Preporučiti Kantonalnoj televiziji da uvede stalnu rubriku o privrednoj problematici da se javnost kroz javni dijalog uključi u rješavanja pitanja iz mjera Vlade Tuzlanskog kantona i Federacije.
20. Pojačati kantonalni nadzor nad kvalitetom uvoznih proizvoda radi zaštite domaćih potrošača.
21. Uspostaviti efikasniji i za privredu kvalitetniji rad Regionalnog centra Uprave za indirektno oporezivanje.
22. Tuzlanski kanton treba smanjiti sve administrativne troškove proporcijalno smanjenju prihoda. Usaglasiti mjere Vlade Tuzlanskog kantona sa mjerama Vlade Federacije Bosne i Hercegovine kroz intenziviranje rada ekonomsko-socijalnog vijeća na Tuzlanskom kantonu kroz predlaganje konkretnih mjera za unapređenje i razvoj privrede.

Prilikom provođenja, smatramo da se treba držati sljedećih principa:

- Jedinstva
- Solidarnosti
- Kontinuiteta i
- Ustavnosti i zakonitosti

Za uspješnu realizaciju mjera neophodno je jedinstvo svih ključnih subjekata na Tuzlanskom kantonu. Prilikom donošenja Budžeta Tuzlanskog kantona za 2014. godinu, neophodan je imperativ jedinstva za efikasno sprovođenje mjera koje su budžetom predviđene. Uspješna realizacija mjera za podsticaj privrede i zapošljavanje moguća je isključivo ako bude ravnomjerno raspoređena između svih interesnih grupa. Stoga je princip solidarnosti prihvaćen kao osnova za utvrđivanje mjera. Imajući u vidu da dubina ekonomske krize još nije poznata na globalnom nivou, neophodno je da se efekti kontinuirano prate i da se promptno reaguje na svaki novi aspekt. Dosljedna primjena principa ustavnosti i zakonitosti treba da bude imperativ u provođenju mjera iz nadležnosti Vlade Tuzlanskog kantona.

Navedene mjere su usmjerene na stabilizaciju, te dalji rast privrede Tuzlanskog kantona. Obavezno formirati odgovarajuće tijelo koje će pratiti realizaciju i efekte preduzetih mjera. Kantonalna privredna komora Tuzla je spremna u saradnji sa resornim ministarstvima uraditi akcioni plan za realizaciju ovih mjera.

KANTONALNA PRIVREDNA
KOMORA TUZLA



Iz Udruženja za energetiku, rudarstvo i industriju...

"NEOPHODNO GRAĐENJE POLITIČKOG AMBIJENTA ZA RAZVOJ EKONOMIJE"

- Prikupljanje prijedloga i ideja privrednika - Neophodno rasterećenje privrede - Nulta stopa tolerancije na korupciju -

U okviru redovnih aktivnosti predviđenih godišnjim Planom, Udruženje za energetiku, rudarstvo i industriju Kantonalne privredne komore Tuzla, upriličilo je sjednicu Odbora Udruženja u proširenom sazivu. Privrednici iz oblasti koje obuhvata ovo komorsko Udruženje razmatrali su dokument "Mjere za unaprjeđenje privrede Tuzlanskog kantona" koji je Komora pripremila za tematsku sjednicu Skupštine Tuzlanskog kantona. Upućeno je nekoliko prijedloga za dopunu dokumenta koje će biti obrađene i upućene Vladi Tuzlanskog kantona. **"Kada je u pitanju iznalaženje načina da se unaprijedi privreda na području Tuzlanskog kantona, veoma je značajna saradnja privrednika i Vlasti. Raduje nas prisustvo predstavnika Vlade Tuzlanskog kantona na ovom skupu i na svakom skupu na kojem se razgovara sa privrednicima o stvaranju kvalitetnijeg privrednog ambijenta. Posebno je sada značajno to što se u okviru ovog komorskog Udruženja aktivno u raspravu, dakle, u kreiranje mjera koje mogu doprinijeti razvoju**



privrede na ovom području, uključuju predstavnici hemijske, metalne, elektro i rudarske industrije, predstavnici značajnih privrednih subjekata, firmi članica Kantonalne privredne komore Tuzla. Privrednici podržavaju ove mjere ali i dodaju kako je potrebno da Vlada prepozna firme od značaja, da uložiti u njih i da ih postavi na zdrave noge. Također, stava smo da treba napraviti socijalni program, prema kojem, bi, na primjeren način, zbrinuli invalide rada i ostale prateće službe te time stvorili pretpostavke za produktivna zapošljavanja i povećanje konkurentnosti", istakao je Kazafer Bečić, predsjednik odbora Udruženja za energetiku, rudarstvo i industriju Kantonalne privredne komore Tuzla. Ovo je jedan u nizu sastanaka koji imaju za cilj okupljanje što više privrednika, predstavnika najznačajnijih privrednih subjekata sa područja Tuzlanskog kantona i njihovo aktivno učešće u zajedničkim naporima da se stvori povoljnije poslovno okruženje na području našeg kantona.

"Pripremljen je jedan dokument koji u suštini predstavlja kompilaciju prijedloga iz akvizicije koju smo dobili od privrednih subjekata, firmi članica Komore. U pricipu, to su ideje koje bi trebalo pretvoriti u mjere za unaprjeđenje privrede na području TK. U nastavku, te ideje treba razraditi na način da se napravi akcioni plan, dinamički plan, kako bi se stvorili uslovi da te mjere imaju efekta u praksi. U najkraćem, ako bi se sve to sublimiralo na način kako privrednici to pragmatično kažu, onda ćemo reći da je od krucijalne važnosti da Vlada TK uvaži prijedloge privrede i privrednika, koji se u najkraćem ogleđaju u drastičnom rasterećenju privrede, dakle, manjim porezima i doprinosima, u nultoj stopi tolerancije na korupciju a sve to uz permanentan rad na građenju političkog ambijenta za razvoj ekonomije. Prijedlog privrednika je i da se pokrene inicijativa za odloženo plaćanje PDV-a, ukidanje toplog obroka budžetskim korisnicima, smanjenje procedure i roka za izdavanje dozvola-urbanističkih saglasnosti. Posebnu pažnju treba posvetiti obrazovanju, proizvoditi majstore za rad a ne inženjere", izjavio je Nurudin Žunić sekretar Udruženja za energetiku, rudarstvo i industriju Kantonalne privredne komore Tuzla. Istaknuto je kako aktivnost u okviru granskog komorskog Udruženje predstavlja pripremu za rad sa Vladom Tuzlanskog kantona. Nakon što se prikupe svi prijedlozi privrednika iz privrednih subjekata, firmi članica Kantonalne privredne komore Tuzla, inicirat će se zajednički sastanak privrednika i predstavnika Vlade Tuzlanskog kantona kako bi se izložile pripremljene mjere za unaprjeđenje privrede Tuzlanskog kantona.

D.K.





Iz Udruženja za trgovinu, ugostiteljstvo i turizam...

“PRIVREDI JE POTREBNA SIGURNOST”

- Potrebna sigurnost u obavljanju privrednih aktivnosti – Kriminal i korupcija u BiH ojačali – Hitno stvoriti povoljni ambijent za jačanje postojećih i pokretanje novih aktivnosti -

U okviru redovnih aktivnosti predviđenih godišnjim Planom, Udruženje za trgovinu, ugostiteljstvo i turizam Kantonalne privredne komore Tuzla, upriličilo je sjednicu Odbora Udruženja u proširenom sazivu. Privrednici iz oblasti koje obuhvata ovo komorsko Udruženje razmatrali su dokument “Mjere za unaprjeđenje privrede Tuzlanskog kantona” koji je Komora pripremila za tematsku sjednicu Skupštine Tuzlanskog kantona. Upućeno je nekoliko prijedloga za dopunu dokumenta koje će biti obrađene i upućene Vladi Tuzlanskog kantona. **“Veliki teret privredi predstavljaju porezna opterećenja i razni drugi nameti. To kao posljedicu ima svakodnevno propadanje i blokadu sve većeg broja firmi na području Tuzlanskog kantona što automatski dovodi do porasta broja nezaposlenih. Ambijent mora prije svega da ponudi sigurnost u obavljanju privrednih aktivnosti. Svjedoci smo svakodnevnih nasrtaja i fizičkih napada na zaposlene radnike koji pokušavaju zaštititi imovinu firmi od sve**



većeg broja socijalno ugroženih građana. U nizu poteškoća sa kojima se bori privreda, situaciju čini kompleksnijom podatak da i Sudovi i MUP veoma sporo rješavaju privredne sporove i slučajeve, pa se i na taj način daje velika podrška osmišljenim prevarama i kriminalu koji itekako otežava rad privrednih subjekata koje posluju po predviđenim zakonima. Kriminal i korupcija koji su itekako ojačali u BiH, osim što sprečavaju „ulazak ino kapitala“, itekako guše domaću privredu i čine je sve manje otpornom na teret koji je nametnut od strane legalnih državnih institucija. Vlast na svim nivoima, po ovom problemu mora ozbiljno raditi, jer je sama uzrok ozbiljnog društvenog problema koji je za privredu ogroman teret. Logično je da preglomazni administrativni sistem zahtijeva ogromna novčana sredstva za podmirenje troškova bez adekvatnih rezultata rada. Da bi se pokrili nerad i neuspjeh administracije uvode se novi nameti koji dodatno opterećuju privredu i u tom segmentu je također nepohodno uvesti promjene. Ako Vlast istinski želi oživjeti privredu, probuditi interesovanje i povratiti povjerenje

privrednicima – vlasnicima kapitala, te stvoriti uslove za ulazak svježeg kapitala, onda mora hitno stvoriti povoljni ambijent za jačanje postojećih i pokretanje novih aktivnosti. Pod tim se podrazumjeva smanjenje visine opterećenja, ukidanje mnogih nepotrebnih opterećenja, smanjiti administrativni aparat, ubrzati rješavanja administrativnih barijera vezanih za potrebe građana i privrede i neophodno je da se sve institucije uključe u zajedničku borbu za stvaranje bolji uslova za unaprjeđenje privrede TK”, zaključke sa sjednice je iznio Kasim Selimović predsjednik Odbora Udruženja.

Bilo je riječi na ovom skupu i o mogućnostima koje nudi segment turizma kada je u pitanju oporavak privrede TK. **“Strateški dokumenti TK poput prostornog plana TK, Strategije razvoja turizma F BiH, favoriziraju i ističu velike mogućnosti za razvoj turizma na prostoru TK, poput kulturno-historijskog naslijeđa, prirodnog, kao i mogućnost razvoja ruralnih područja u segmentu turističke ponude kroz animaciju seoskih domaćinstava. Obzirom na ovu činjenicu bilo bi neophodno uraditi analizu zainteresirane ciljne skupine (u okviru pružanja usluga u vlastitom domaćinstvu-seoska domaćinstva), te im omogućiti edukaciju i pružiti svu neophodnu pomoć pri registraciji ove djelatnosti. Kantonalna privredna komora Tuzla, resor za turizam je pokrenula i inicijativu za izmjenu zakona o ugostiteljstvu u segmentu pružanja usluga u ugostiteljstvu gdje bi bila omogućena i registracija kao dodatna djelatnost, a što bi polučilo otvaranjem novih radnih mjesta”, istakla je mr Merima Alijić iz Turističke zajednice Tuzlanskog kantona. „Država i oni koji imaju moć tj. državna vlast, ukoliko istinski žele da ožive realni sektor prema istom mora uspostaviti partnerski odnos i mora rješavati probleme i poteškoće u privredi, a ne privredu koristiti u rješavanju političkih problema”, zaključio je predsjednik Selimović.**

D.K.





XX redovno zasjedanje UO Komore...

SJEDNICA UPRAVNOG ODBORA KOMORE

- Komora nezadovoljna zbog neodgovaranja na upućene dopise - Upoznati premijera Tuzlanskog kantona sa Pregledom upućenih dopisa - Na sjednice UO pozivati predstavnike Vlade TK -



Upravni odbor Kantonalne privredne komore Tuzla, održao je XX redovnu sjednicu. Raspravljalo se o stanju privrede Tuzlanskog kantona, stanju u industriji industriji tekstila, kože i obuće, o prednostima i posljedicama ulaska Hrvatske u Evropsku uniju po privredu Bosne i Hercegovine. Analizirani su usvojeni zaključci organa Komore (Skupština i Upravni odbor) i udruženja obrazovanih u Komori za 2012.godinu, dopisa i zahtjeva nadležnim organima izvršne vlasti Tuzlanskog kantona i Federacije Bosne i Hercegovine, odnosno nadležnim ministarstvima iz djelatnosti privredne aktivnosti na Tuzlanskom kantonu. Razmatran je Pravilnik o kancelarijskom poslovanju Kantonalne privredne komore Tuzla. Članovi Upravnog odbora Komore jednoglasno su prihvatili Pregled usvojenih zaključaka organa Komore upućenih resornim ministarstvima u 2012. godini, sa određenim zaključcima. Jedan od osnovnih je da je Komora nezadovoljna zbog neodgovaranja na upućene dopise te da se ovaj Pregled prezentuje premijeru Tuzlanskog kantona i resornim ministarstvima, kako bi bili upućeni u rad Komore. U istom kontekstu je i zaključak da se u buduću na sjednice Upravnog odbora poziva Vlada, odnosno nadležno ministarstvo kada je riječ o problematici koja je od interesa za pojedine grane djelatnosti. Vlade Tuzlanskog kantona treba uputiti zahtjev da se organizuje tematska sjednica vezana za problematiku industrije tekstila, kože i obuće, stav je članova UO Komore. Raspravljajući o prednostima i posljedicama ulaska Hrvatske u Evropsku uniju po privredu Bosne i Hercegovine, članovi ovog komorskog tijela su zaključili da bh državni organi nisu dobro dočekali ulazak Republike Hrvatske u Evropsku uniju. Kao prilog ovom zaključku navedeni su podaci da Bosna i Hercegovina ne može izvoziti robu čak do 2015. godine, da laboratorije neće biti certificirane do 2020.godine, te da je neophodno nakon 6 mjeseci od ulaska Hrvatske u EU uraditi analizu vanjskotrgovinske razmjene Bosne i Hercegovine, odnosno Tuzlanskog kantona i Republike Hrvatske. Pravilnik o kancelarijskom poslovanju Kantonalne privredne komore Tuzla su razmatrali članovi UO Komore i stava su da je potrebno Listu kategorija registraturne građe s rokovima čuvanja preispitati i usaglasiti sa Istorijskim arhivom, jer ima dosta nelogičnih stvari. Stava su da se u poglavlju II Pravilnika – Primanje, otvaranje i pregledanje pošte odnosno akata, doda i korespondencija putem fax-a – odnosno da se kroz protokol zavede i obradi. Članovi Upravnog odbora jednoglasno su usvojili Odluku o povećanju državnog kapitala po završnom računu za 2012.godinu a razgovaralo se i o kreditnom zaduženju Kantonalne privredne komore Tuzla za finansiranje adaptacije poslovnog prostora.

D.K.

Izdavanje ATA karneta

OBRAČUNSKI PERIOD AVGUST-OKTOBAR 2013. GODINE

Nastavlja se izdavanje ATA karneta u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla. Podizanje dokumenata vrši se na mjestu gdje je zahtjev i podnesen. **“Kada su u pitanju izdati ATA karneti i dodatni listovi u periodu od 1. avgusta 2013. do 26. oktobra 2013. godine kada je izvršen obračun, pristiglo je 115 zahtjeva. Od toga je bilo 63 zahtjeva za izdavanje ATA karneta i 52 zahtjeva za izdavanje dodatnih listova za ATA karnet. Od 63 zahtjeva za izdavanje ATA karneta, 35 zahtjeva su podnijela fizička lica iz sljedećih opština: Kalesija, Srebrenik, Orašje, Bijeljina, Banovići, Tuzla, Gračanica, Odžak, Živinice, Tešanj, Lukavac, Žepče, a 29 zahtjeva su podnijele firme iz Tuzle, Gračanice, Orašja, Brčkog, Bijeljine, Doboja, Ugljevika, a 12 zahtjeva stiglo je u ime privrednih društava”,** izjavila je Suada Rekić stručni saradnik u Uredu za pružanje informacija o ATA sistemu i izdavanje ATA karneta Vanjskotrgovinske komore u Tuzli. Sve dodatne informacije, kao i potrebne upute o ATA sistemu i obrasce, zainteresirani mogu pronaći na web stranici Vanjskotrgovinske komore BiH www.komorabih.ba ili direktno – na osnovu dole navedenih kontakt informacija kao i u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla - Trg slobode bb – 75000 Tuzla - Tel/fax. +387/35/258-266 i Fax: +387/35/258-271, Email: atatz@komorabih.ba - kontakt osoba: Suada Rekić.



Iz Odbora za hemiju i nemetale...

„ PROIZVODNJA CEMENTA I OKOLIŠNI ZAHTJEVI“

Održana sjednica Odbora Udruženja - Domaćin Fabrika cementa Lukavac -



U okviru Programa rada Udruženja za Hemiju i nemetale Kantonalne privredne komore Tuzla, organizovan je sastanak Odbora za Hemiju i nemetale. Domaćin sastanka koji je upriličen na temu „ Proizvodnja cementa i okolišni zahtjevi“ bila je Fabrika cementa Lukavac. Glavni inženjer za kontroli kvaliteta i okoliš Čatić Sead je u kratkim crtama predstavio poslovanje Fabrike cementa Lukavac kroz dva perioda : Prvi period od 1969 – 1993. Godine, od početka gradnje FCL, završetka gradnje, postizanja planiranih kapaciteta 800 t klinkera dnevno i 340.000 t godišnje, te poslovanja Fabrike cementa Lukavac kao dioničkog društva. Drugi period od 1996 – 2009. godine, uspostavljanje proizvodnog procesa, promjena u vlasničkoj strukturi – većinski vlasnik postaje Asamer (ALAS International Baustoff-produktions AG), postavljanje kamena temeljca za projekat "Proširenje i modernizacija FCL, rekonstrukcija i modernizacija postojeće proizvodne linije, povećanje kapaciteta proizvodnje klinkera sa 800 na 1.050 t, završetak radova na rekonstrukciji i modernizaciji, postizanje rekordne proizvodnje od 480.000 t, instalacija nove laboratorijske opreme, implementacija ISO 9001:2000 sistema za upravljanje kvalitetom, kontinuirane investicije i modernizacija mašina, sistema i proizvodnog procesa, kamen temeljac za izgradnju nove rotacione peći – početak druge faze investicija, te završetak druge faze investicija, nove linija za proizvodnju klinkera gdje su korištene najbolje raspoložive tehnologije (BAT – Best Available Techniques) a prema planu aktivnosti za dobijanje okolinske dozvole. Projektovane vrijednosti - 2000 tona/dan klinkera, toplotna potrošnja od 3015 kJ/kgklinkera, mješavina domaćeg i uvoznog uglja (omjer 60:40) kao energent za pečenje klinkera, krečnjak Vijenac (frakcija 0-60 mm), leteći pepeo TE Tuzla i pijesak kao osnovne sirovine za proizvodnju klinkera, laporovita glina Višća, glina Sočkovac i šljaka TE Kakanj kao alternativne sirovine za leteći pepeo TE Tuzla . U dvije faze investicije Fabrika Cementa Lukavac uložila je u modernizaciju proizvodnih pogona i povećanje kapaciteta proizvodnje oko 100 miliona eura. Preko 20% tog iznosa odnosi se na ulaganja u opremu koja osigurava proizvodnju prema evropskim standardima zaštite okoliša. Prateći navedena

dugogodišnja iskustva korištenja alternativnih goriva u cijelom svijetu, koja pokazuju da je kontrolisanim spaljivanjem te vrste goriva isključen negativan utjecaj na zdravlje i okolinu, stručni ljudi FCL-a su uz pomoć drugih stručnih institucija izradili Plan aktivnosti za dobijanje okolinske dozvole. U Planu aktivnosti obrađena je upotreba alternativnih goriva, odnosno suspaljivanje otpadnih guma kao alternativnog goriva. Postupak dobijanja dozvole za korištenje alternativnih goriva je zakonom regulisan i obuhvata čitav niz aktivnosti, koje za cilj imaju da obezbijede izvršenje zakonskih uslova i transparentnost postupka. Jedna od tih aktivnosti je i probno suspaljivanje otpadnih guma, čiji prvenstveni cilj je dobijanje podataka, koje smo dužni dostaviti nadležnim institucijama, ali i testiranje mogućnosti instrumentacije, ugrađene u postrojenja FCL tokom druge faze investicija.

Transparentna saradnja sa lokalnom zajednicom je tačka, koja je u Fabrici cementa Lukavac stalno uvrštena u glavne strateške ciljeve poslovanja. S tim u vezi je u februaru 2011. godine završena ugradnja sistema za kontinuiran monitoring emisija na dimnjaku linije rotacione peći, čime FCL obezbjeđuje stalnu kontrolu plinova. Sistem monitoringa emisija obuhvata uzimanje uzoraka dimnih gasova i njihovu analizu, a završava se prikazom pojedinačnih vrijednosti na elektronskoj ploči, koja je postavljena na ulaznoj kapiji fabrike. Tako je građanima omogućeno, da iz prve ruke saznaju aktuelne podatke o emisijama, koje nastaju u FCL. Sistem koji ubuduće predviđa i transparentan prikaz podataka o izmjerenim emisijama na našoj web stranici, pa čak i lokalnim internet portalima će biti pušten u rad i građanima Lukavca stavljen na uslugu nakon završnih kontrola od strane ovlaštenih kuća u martu 2011. godine. Kao zaključak možemo samo ponoviti kako je privredna korist lokalne društvene zajednice u procesu korištenja alternativnih goriva višestruka, a ogleda se u uštedi prirodnih resursa neobnovljivih fosilnih izvora energije (nafta, gas, uglj), smanjenju emisija štetnih plinova, rješavanju problema deponovanja raznih vrsta otpadnih materija i otvaranju dodatnih radnih mjesta

Priradio: mr Esad Arnautović, sekretar
Udruženja za hemiju i nemetale





Iz Udruženja za promet i komunikacije...

NELEGALAN RAD I NELOJALNA KONKURENCIJA I DALJE PROBLEM

- *Održan sastanak Odbora Sekcija za unutrašnji prijevoz putnika - Održan sastanak Odbora Udruženja za promet i komunikacije Kantonalne privredne komore Tuzla -*



Sekcija za unutrašnji prijevoz putnika koja djeluje pri udruženje za promet i komunikacije pri Kantonalnoj privrednoj komori Tuzla, organizovao je sjednicu Odbora u proširenom sastavu. Tema skupa kojem su prisustvovali i predstavnici Vlade Tuzlanskog kantona, bilo je rješavanje problematike izmještanja prigradskih stanica u Tuzli. Članovi Sekcije donijeli su zaključak da se uputi dopis Ministarstvu trgovine, turizma i saobraćaja u kojem se traži obrazloženje vezano za donošenje Odluke oko izmještanja prigradskih stanica u Tuzli od strane Ministarstva. Kako je istaknuto na skupu, na dopise kojke je uputila Sekcija prema nadležnim organima, stigla su dva odgovora, dok su ostali u proceduri. Zahtijevaju članovi ove Sekcije sastanak sa resornim ministrom i premijerom TK kako bi se ponovo raspravljalo o problemu vezanom za nelegalan rad jer, kako ističu, prijevoznici nisu zadovoljni sa rezultatima sa terena. Također, zaključili su da je potrebno ponovo uputiti dopis nadležnim institucijama u kojima se traži pojašnjenje termina „međumjesni saobraćaj“ jer su prijevoznici ponovo od Crvenog križa dobili obavijest o plaćanju svake prodane karte u mjesecu oktobru za „dječiju nedelju i crveni križ“. Predstavnici Vlade Tuzlanskog kantona su istakli kako je u toku priprema za organizovanje rasprave o Nacrtu Zakona o izmjenama i dopunama Zakona o cestovnom prijevozu na području Tuzlanskog kantona i Informaciji o dosadašnjem radu inspekcija i MUP-a na suzbijanju nelegalnog rada i rada na crno, te da očekuju učešće svih članova Odbora u raspravi. Apostrofiran je na ovom skupu i, već duže vrijeme, prisutan problem u odnosu sa taksi prijevoznicima. Zaključili su članovi Odbora da je potrebno uputiti dopis MUP-u TK, komesaru i zamjeniku komesara te inspekciji, vezano za definiciju termina „autobusko

stajalište“, jer taksisti i dalje koriste autobusko stajalište za svoje potrebe, odnosno bave se linijskim prevozom.

Udruženje za promet i komunikacije Kantonalne privredne komore Tuzla, upriličilo je u okviru redovnih aktivnosti, sjednicu članova Odbora ovog Udruženja. Raspravljalo se o Izmjenama Pravilnika o organizovanju Granskog udruženja za promet i komunikacije Kantonalne privredne komore Tuzla na prijedlog Sekcije za unutrašnji promet putnika. Istaknuto je u uvodnom dijelu sjednice kako su članovi Odbora Sekcije za unutrašnji promet putnika pokrenuli inicijativu da se u Pravilniku o organizovanju Granskog udruženja za promet i komunikacije Kantonalne privredne komore Tuzla izmjeni član 37. U diskusiji su učestvovali svi prisutni članovi Odbora Udruženja predloživši da se izmjeni i član 22. Pravilnika, jer nisu oformljene sve navedene sekcije u Pravilniku. Članovi Odbora Udruženja su zakon diskusije usvojili promjene u pomenuta dva člana Pravilnika te dogovorili da se ovaj dokument doradi i da se obave potrebne izmjene i dopune i na narednim sastancima ovog komorskog Udruženja. Kao i u prethodnom periodu, ovaj sastanak je iskorišten da se razgovarao o problemima koji su već dugo prisutni. Konstatovano je da i dalje veliki problem predstavljaju nelegalna konkurencija, nelegalan rad, rad na crno. Novi problem predstavlja prijevoznicima i podatak da Vlada Tuzlanskog kantona sufinansira avio prijevoz, te su po ovom pitanju najavljene tužbe privrednih subjekata koji se bave prijevozom putnika autobusima. Smatrajau članovi ovog Odbora da Privredna komora treba što prije dobiti na važnosti kao što je to u susjednim državama.

D.K.





Iz Udruženja za hemiju i nemetale...

SASTANAK ODBORA U RUDNIKU SOLI TUŠANJ

- "Unaprjeđenje kvaliteta i tretman sirove slane vode" - "Nano filtracija slane vode" -

Udruženje za hemiju i nemetale Kantonalne privredne komore Tuzla u okviru redovnih aktivnosti, upriličilo je sjednicu Odbora Udruženja. Domaćin skupa na koje se raspravljalo o stručnim temama "Unaprjeđenje kvaliteta i tretman sirove slane vode" te "Nano filtracija slane vode", bio je Rudniku soli Tušanj Tuzla. **"Ovdje je prije svega bilo riječi o tretmanu slane vode u Rudniku soli "Tušanj" i kvalitetu koji je potreban za Fabriku soli Tuzla odnosno, Fabriku sode Lukavac. Stručne teme su obradili predstavnici firmi "Sisecam" i "Solana" i u raspravi se pokušalo doći do najboljih rješenja za popravljane kvaliteta vode i otklone ranije iznijete primjedbe, da se u međusobnom kontaktu dođe do kvalitetnijeg rješenja za snabdijevanje slanom vodom. Imali smo priliku da prisustvujemo i izlaganju o jednom primjeru pozitivne prakse Nano filtracije koji se koristi u svijetu a za koji je zainteresovana tuzlanska Solana iz koje je istican problem sa prečišćavanju sirove slane",** izjavio je Esad Arnautović sekretar Udruženje za hemiju i nemetale Kantonalne privredne komore Tuzla. Ovo je jedan novi, pozitivan primjer rješavanja problema u firmama članicama Komore putem aktivnosti Odbora Udruženja koji sastanke organizuje u privrednim subjektima i pokušava uspostaviti direktan kontakt među privrednicima kako bi lakše došli do kvalitetnijih rješenja za probleme u poslovanju. O "Unaprjeđenju kvaliteta i tretmanu sirove slane vode" na sastanku je govorio Nihad Akeljić izvršni direktor Sisecam sode Lukavac.

"Naša želja je da se unaprijedi saradnja sa privrednim subjektima kao što je Rudnik soli a ne samo na relaciji kupac - prodavac. Imajući u vidu da je u pitanju rudnu nalazište, da se malo šta može značajnije promijeniti, mi nismo imali posebne primjedbe na kvalitet slane vode i možemo reći da je zadovoljavajući. Razgovarali smo o tretmanu prečišćavanja vode u narednom



periodu što je značajno za dalji proces i Solane i GiKiL-a. Veoma je značajano da Rudnik soli realizuje rekonstrukciju sonovoda prema Fabrici u Lukavcu. Ovaj projekat traje već nekoliko godina, odvija se u etapama i imamo apsolutnu koordinaciju sa Rudnikom soli. U vrijeme kada se odvijaju aktivnosti na rekonstrukciji mi nemamo problema i ne osjetimo to u našoj proizvodnji što je za svaku pohvalu prema osoblju Rudnika i Sisecama", istakao je direktor Nihad Akeljić. Naglasio je ovom prilikom kako je u posljednjoj rekonstrukciji Sisecam dobio količine koje zadovoljavaju planove, planirane budžete čak i za narednu godinu. Iz Rudnika soli Tušanj su istakli kako je nedavno završena rekonstrukcija sonovoda prema Fabrici sode Lukavac. **"Upravo je završen taj projekat. Mi smo završili rekonstrukciju dva sonovoda prema Sisecamu u Lukavcu, trenutno radimo dopunjavanje sistema i mjerenje količina koje smo dobili u smislu povećanja kapaciteta prema Sisecamu. Očekujemo da ćemo dobiti tih dodatnih 15 kubika na sat što bi za fabriku obezbijedilo dovoljne količine do 7. ili 8. mjeseca naredne godine a iduće godine se planira rekonstrukcija sonovoda prema Fabrici sode Lukavac ok 2,5 km što nam omogućilo da u potpunosti odgovorimo njihovim zahtjevima",** rekao je direktor rudnika Amir Sušić. Najavljeno je na kraju skupa da bi naredni sastanak Odbora Udruženja za hemiju i nemetale Kantonalne privredne komore Tuzla trebao biti održan u firmi "GiKiL" Lukavac.

D.K.





PRIJEDLOG ZAKONA O IZMJENAMA I DOPUNAMA ZAKONA O STEČAJNOM POSTUPKU FBiH

Kantonalna privredna komora Tuzla bila je domaći raspravi o Prijedlogu Zakona o izmjenama i dopunama Zakona o stečajnom postupku Federacije Bosne i Hercegovine. Na ovom skupu uvodno izlaganje imao Ivo Divković, delegat u Domu Naroda Parlamenta Federacije Bosne i Hercegovine. Nakon konstruktivne i veoma korisne diskusije došlo se do niza prijedloga i primjedbi ovom Zakonu. Istaknuto je da intervencije na predložena rješenja u zakonu mogu ostvariti samo amandmanski zastupnici oba doma Federalnog parlamenta ili sam predlagač zakona. Na raspravi u Komori su izneseni slijedeći prijedlozi:

- ❖ Članom 2. Prijedloga izmjena mijenja se član 4. Zakona na način da se produžava rok stečajnom dužniku za pokretanje stečaja sa 30 na 60 dana;
Stečajni dužnik po zakonu je dužan da pokrene stečaj kad se steknu zakonom propisani uvjeti, a to su da je 60 dana nelikvidan itd.
- ❖ Članom 6. Prijedloga izmjena mijenja se član 10. Zakona na način da se podižu iznosi novčanih kazni za one koji opstruiraju proces ne odazivajući se na saslušanje kod stečajnog sudije i ne daju tačne i potpune informacije, sa 1700 KM na 5000 KM;
Ovo je zbog toga što je praksa pokazala da se neki ne odazivaju, a neki ne kažu istinu pa se stečaj oteže.
- ❖ Članom 7. Prijedloga izmjena mijenja se član 11. Zakona na način da se propisuje da žalba na rješenje stečajnog sudije ne odlaže izvršenje;
Ovim se svakako proces treba učiniti efikasnijim, odnosno ovdje se govori o ovlaštenju sudije i da u svakom rješenju stečajnog sudije žalba ne odlaže izvršenje.
- ❖ Članom 9. Prijedloga izmjena mijenja se član 13. Zakona na način da se zahtijeva da finansiranje stečajnog postupka mora snositi onaj ko je ga pokrenuo, neovisno da li se radi o povjeriocu ili dužniku. Može čak i treće lice snositi troškove;
Ovim se stvaraju uslovi za otvaranje postupka jer se do sada dužnik oslobađao te obaveze pa kad on pokreće postupak zbog neuplate predujma za pokriće troškova sam postupak je obustavljan, odnosno ako ne postoje sredstva za pokretanje finansiranja stečajnog postupka onda to blokira i sam postupak.
- ❖ Članom 12. Prijedloga izmjena mijenja se član 22. Zakona na način da se daju ovlasti stečajnom sudiji da može staviti van snage svaku odluku organa, u postupku, ukoliko ocijeni da je nezakonita ili se njome opstruira postupak i nanosi šteta imovini dužnika;
U važećem Zakonu te ovlasti sudija nije imao pa se ta mogućnost zlorabila od strane organa u postupku.
- ❖ Članom 13. Prijedloga izmjena mijenja se član 23. Zakona na način da se pooštravaju kriteriji za izbor stečajnih upravnika. Definišu se uvjeti koje mora ispunjavati, definiše se stručna sprema, starosna granica (70 god.), definiše se da u isto vrijeme mogu voditi samo 2 stečajna postupka. Definiše se obavezujući dio edukacija koje mora prolaziti itd.;
Zakon je omogućio dva, ali sudije odlučuju koliko će mu dati stečajnih postupaka. Ovaj limit do sada nije bio, i ocjenjuje se da je ovo dobra izmjena.
- ❖ Članom 14. Prijedloga izmjena mijenja se član 24. Zakona na način da se jasnije propisuju razlozi za brisanje sa liste stečajnih upravnika, pa se kaže da se (stečajni upravnik) briše ukoliko bude pravosnažno osuđen za nezakonite radnje u stečajnom postupku;
Postavlja se pitanje je li to dovoljno, šta ako je osuđen ili mu je potvrđena optužnica za radnje van tog postupka, sve se mora uzeti u obzir.
- ❖ Članom 15. Prijedloga izmjena mijenja se član 27. Zakona na način da se povećava novčana kazna za stečajnog upravnika koje mu može izreći stečajni sudija ako ne ispunjava svoje obaveze - sa 1700 na 5000 KM.
Ova izmjena je jako dobra.
- ❖ U članu 17. u izmjenjenom stavu 4. šesti red umjesto riječi "povjerioci" dodati riječi "predlagača i zainteresovanih lica";
Predujam za vođenje stečajnog postupka mogu uplatiti predlagač i sva druga lica zainteresovana za vođenje stečajnog postupka. Prije otvaranja stečajnog postupka nisu poznati povjerioci obzirom da sva pravna i fizička lica kojima duguje stečajni dužnik ne moraju da prijave potraživanja nakon otvaranja stečajnog postupka. Prema tome predujam može da uplati bilo koje zainteresovano lice imajući u vidu da se kod uplate ne cijeni pravni interes kao kod podnošenja prijedloga.
- ❖ Članom 21. Prijedloga izmjena mijenja se član 50. Zakona na način da se otklanja jedna od prepreka u otvaranju stečajnog postupka, a to je da žalba stečajnog dužnika na prijedlog za otvaranje stečajnog postupka ne odlaže izvršenje;
Do sada je dužnik svojom žalbom na prijedlog da se otvori stečaj od strane povjerioca privremeno blokirao svojom žalbom neovisno o njenoj osnovanosti.
- ❖ Članom 26. Prijedloga izmjena mijenja se član 71. Zakona na način da se daju veća prava stečajnom upravniku u upravljanju imovinom i to tako da on može jednostrano raskinuti ugovore o zakupu i korištenju imovine i uz saglasnost stečajnih organa sklopiti nove ugovore povoljnije po stečajnog dužnika.



- ❖ U članu 33. Nacrta izmjena dodaje se novi stav 3 koji glasi: "Potraživanja koja su osporili stečajni upravnici ili neki od povjerilaca moraju se raspraviti na ispitnom ročištu";
Prema odredbama Zakona o stečajnom postupku nije predviđeno raspravljanje o osporenim potraživanjima na ispitnom ročištu radi eventualnog pojašnjenja i dopune prijave od strane povjerilaca što bi bilo cjelishodno u cilju efikasnosti i ekonomičnosti postupka. Na ovakav način izbjegao bi se veliki broj postupaka koji se pokreću nakon ispitnog ročišta i osporavanja potraživanja od strane stečajnog upravnika.
- ❖ Članom 39. Prijedloga izmjena mijenja se član 119. Zakona na način da se limitira vrijeme na 15 dana za povjerioca, čije potraživanje nije prvobitno priznato, da dostavi (ovim zakonom) tražene dokaze za dokumentovanje svog zahtjeva;
- ❖ Članom 44. Prijedloga izmjena mijenja se član 143. Zakona i odnosi se na procese reorganizacije dužnika i to tako da produžuje rok za izradu i podnošenje stečajnog plana od strane stečajnog upravnika prema sudu sa 30 na 60 dana;
Postojeći rok od 30 dana je prekratak za tako ozbiljan posao jer nije lako napraviti stečajni plan za firme koje treba da nastave svoje poslovanje.
- ❖ Članom 45. Prijedloga izmjena mijenja se član 173. Zakona i on se odnosi na procese reorganizacije dužnika i ovom izmjenom se otklanja jedna od mogućih blokada procesa na način da stečajni dužnik više ne daje svoj pristanak na stečajni plan nego se o njemu izjasni i potom sud odlučuje o tome hoće li ga potvrditi ili ne.
- ❖ U članu 115. iza stava 1. dodati novi stav 2. koji glasi: "(2) Parnični postupci pokrenuti shodno stavu 1. ovog člana imaju prioritet u odnosu na sve druge vrste sudskih postupaka uključujući i hitne postupke".
Usvajanjem pomenute zakonske izmjene stečajni postupci bi se značajnije ubrzali i kompletan stečajni postupak bi postao efikasniji. Naime, ovom izmjenom bi svi pokrenuti parnični predmeti koji su u vezi sa stečajem hitno i odmah uzimani u rad, dakle i prije onih predmeta u kojima je hitnost postupanja propisana drugim zakonom.
Praktično, to bi značilo ako je sudac zadužen sa određenim brojem hitnih predmeta, ali nisu stavljeni u rad, novi pristigli predmet, koji je u vezi sa stečajem bi imao prioritet i odmah bi se morao staviti u rad. Ova izmjena bi imala smisla i u vezi sa članom 9. stav 1. citiranog Zakona koji propisuje hitnost stečajnog postupka, čime bi citirana odredba dobila svoj puni smisao i svrhu. Ovim Prijedlogom Zakona o izmjenama i dopunama Zakona o stečajnom postupku FBiH dosta toga se popravljaju kako u postupku, tako i efikasnosti rada upravnika. Daju se veća ovlašćenja sudu, a oštrije, rigoroznije mjere idu prema stečajnom upravniku i uvode se ozbiljnije sankcije za one koji opstruiraju proces. U Prijedlogu Zakona nije nigdje definiran rok stečaja koji obavezuju stečajnog sudiju da mora u nekom određenom roku završiti postupak; U sudu se govorilo o ograničenju da to bude 2 godine, međutim postoji niz okolnosti koje ne dozvoljavaju da rok bude određen, jer su predmeti na općinskim i kantonalnim nivoima, i zna se desiti da kad se otvori ročište i kad se podnesu prijave, sve ono što otvori stečajni upravnik zna ići ponovo na postupak; Svi ovi predmeti vezani za stečajni postupak bi trebalo da imaju prioritet hitnosti kako bi se uzeli u razmatranje što prije i kako bi se postupak završio u što kraćem roku;
- ❖ Dostavljanje odluke kad se donese rješenje o sprovođenju stečajnog postupka će biti izmjenjeno, odnosno te odluke će se oglašavati na oglasnim pločama;
- ❖ Da se uvede u Zakon da advokati ne mogu biti istovremeno i stečajni upravnici, jer je to može biti svojevrsan tzv. sukob interesa, kao ni profesori u dobi između 65-70 godina;
- ❖ Da stečajni upravnici budu ponovo certificirani, odnosno revidirati dosadašnje certifikate;

Priredio: Nurudin Žunić, sekretar
udruženje za energetiku, rudarstvo i industriju



“Grin” - obnovljeno članstvo u Komori

**“TRADICIJA DUGA 55 GODINA NAJBOLJA JE PREPORUKA ZA VAŠE
POVJERENJE”**

*- Štampari iz 1958. godine - 55 godina “Grin” dd Gračanica - vodeći proizvođač
komercijalne kartonske ambalaže, kaširane ambalaže, etiketa, u BiH -*



Davne 1958. godine, vrsnim gračaničkim zanatlijama i čestitim trgovcima iz starih vremena pridružili su se i štampari kao zanatlije novog doba. Tada je odlučeno da se na temeljima propale korporacije “Razvitak” osnuje štamparska djelatnost i time započne brže napuštanje tradicionalnog zanatsko-esnafskog obrta. Danas štamparija nosi naziv “GRIN” i slavi 55 godina svog postojanja. 55 godina duga tradicija koja je opstala kroz surova vremena zahvaljujući neprikosnovenom kvalitetu i usluzi. Najbolji dokaz postignute kvalitete je dugogodišnja saradnja s kvalitetnim klijentima i njihovi atraktivno upakirani proizvodi. “GRIN” je vodeći pouzdani proizvođač komercijalne kartonske ambalaže, kaširane ambalaže, etiketa, u BiH.

“Stalnim poboljšavanjem tehnologije, procesa i proizvoda spremni smo ispuniti svaku želju i očekivanje kupca”, poručuju iz “Grin” dd Gračanica. U proizvodnim pogonima “GRIN-a” instalirana je vrhunska i najsavremenija oprema. U pripremi CTP tehnologija kao predušlov za vrhunsku štampu. U štampi “Roland 705”, petobojni sa “in line” lakiranjem i sušilicama sa toplim i IR zrakama uz potpuno automatsko upravljanje i kontrolu štampe što je uslov da svaki otisak bude vjeran i isti. U doradi oprema za oplemenjivanje vrhunskog otiska zlatotiskom, slijepim tiskom, brajevim pismom, štancanjem, ljepljenjem sa više tačaka, uvezom u broširani, meki i tvrdi povez. Ovakva tehnologija omogućava izradu veoma široke lepeze grafičkih proizvoda na bazi papira i kartona, najjednostavnijih tiskanica, memoranduma, otpremnica, pozivnica, zatim brošura, kataloga, prospekata, knjiga mekog i tvrdog uveza, monografija, kalendara svih vrsta uveza, letaka, afiša i plakata.

“Potpuno je zaokružen proces za štampu i izradu kaširane i komercijalne ambalaže za prehrambenu, hemijsku, farmaceutsku, duhansku, kozmetičku, obućarsku, tekstilnu industriju, izrada etiketa za pivo, alkoholna i bezalkoholna pica, omotnica za konditorsku industriju. Većina proizvoda danas je pakirana u neku vrstu ambalaže. Njezina osnovna uloga je da proizvod zaštiti, ali i da privuče pažnju što većeg broja kupaca. Proizvod kupca je i naše ogledalo, što je još jedan od razloga da on uvijek bude vrhunskog izgleda i kvalitetne izrade. Naši glavni kupci su kompanije sa visokim zahtjevima, oni tačno zanju sta žele i tko im to može priuštiti.

Zato sa ponosom kažemo da nisu slučajno odabrali saradnju sa Grinom”, rekao je Salih Širbegović direktor „Grin” DD Gračanica. Ovaj značajan privredni subjekt, nedavno je obnovio svoje članstvo u Kantonalnoj privrednoj komori Tuzla.





Saradnja Komore i SIPPO...

POMOĆ IZVOZNICIMA U EU I ŠVICARSKU

- *Prezentacija Švicarskog Programa Podsticanja Uvoza* -

Kantonalna privredna komora Tuzla i Switzerland Global Enterprise (S-GE) organizovali su u Tuzli prezentaciju Švicarskog Programa Podsticanja Uvoza (SIPPO) u Švicarsku i zemlje EU. Kako je istaknuto na ovom skupu koji je okupio privrednike sa područja Tuzlanskog kantona, predstavnike firmi članica Kantonalne privredne komore Tuzla zainteresovanih za poslovanje u inostranstvu, Switzerland Global Enterprise (S-GE) radi širom svijeta na podršci preduzetnicima i promovisanju Švajcarske kao poslovne lokacije. U okviru Švajcarskog programa promovisanja izvoza S-GE radi u partnerskim zemljama u ime Švajcarskog sekretarijata za ekonomske odnose, podržavajući mala i srednja preduzeća u pristupu tržištu i otvaranju novih poslovnih mogućnosti u Švajcarskoj i Evropskoj Uniji. Na ovaj način S-GE pomaže jačanju konkurentnosti dotičnih preduzeća, te razvija saradnju i trgovinske odnose između Švajcarske, EU i partnerskih zemalja. SIPPO obezbeđuje informacije o zahtjevima za proizvodima, nudi organizaciju poslovnih susreta, obuku za mala i srednja preduzeća, i povezuje ih sa potencijalnim kupcima, kroz različite intervencije pristupa tržištu kao što su učešće na sajmovima i kupovno-prodajne misije.

"SIPPO program je dio velikog švicarskog koncepta Switzerland Global Enterprise koji ima za cilj jačanje izvoza iz Švicarske, uvoz u Švicarsku iz trećih zemalja i kroz svoj program podrške omogućava BiH firmama nastupanje na sajmovima, obuke za jačanje kapaciteta i uvezivanje sa mrežom kupaca. Trenutno SIPPO program djeluje u pet sektora u Bosni i Hercegovini. Riječ je o sektorima metaloprerađiva, proizvodnje namještaja, prerade drveta, proizvodnje voća i povrća i organski uzgojene hrane. Dakle, mi u saradnji sa Vanjskotrgovinskom komorom BiH pomazemo mala i srednja preduzeća iz navedenih sektora, da pronađu svoje kupce,



poslovne partnere u zemljama EU i Švicarske. dugo smo prisutni u Bosni i Hercegovini i zavidan je broj firmi koje su učestvovala na raznim sajmovima iz navedenih sektora putem našeg programa. Većina je pronašla poslovne partnere i ostvarila uspješnu saradnju", izjavio je Boris Tadić predstavnik Švajcarskog programa podsticanja uvoza u EU i Švajcarsku za Bosnu i Hercegovinu.

Kada je u pitanju dosadašnja saradnja između SIPPO (Swiss Import Promotion Programme) i Kantonalne privredne komore Tuzla, značajno je pomenuti niz zajedničkih posjeta koje su tokom prethodnog perioda upriličene firmama na području Tuzlanskog kantona. Kao rezultat tih posjeta, proizašla je potreba za organizovanjem radionice za firme iz regiona Tuzla-Posavina na temu formiranja klastera. Imajući u vidu iskazane potrebe a kao nastavak saradnje organizovan je skup u Komori na kojem je razgovarano i o određenim problemima koje imaju firme izvoznici ali i učešću bh vlasti u predstavljanju i pozicioniranju naših firmi i proizvoda.

"Sastanak smo organizovali kako bi naših proizvođača omogućili da putem SIPPO programa pripreme proizvode za tržište Švicarske i EU. Puno je u tom smislu posla koji je pred nama, prije svega kod marketinškog nastupa, predstavljanja proizvoda na tim tržištima, jačanju pregovaračke sposobnosti. Na tržištu EU je jaka konkurencija, puno kvalitetnih proizvođača. Mi da bi ušli u to tržište, do sada smo morali biti mnogo kvalitetniji i mnogo jeftiniji. Upravo zato smo se povezali sa programom SIPPO da olakša našim proizvođačima taj ulazak na tržište sa proizvodima koji imaju kvalitet. Stalno smo u kontaktu sa institucijama vlasti, očekujemo da će reagovati na naše prijedloge kako da se pomogne našim proizvođačima koji izvoze na evropsko tržište koje je jako zahtjevno", izjavio je Suad Selimović sekretar Udruženja za šumarstvo i drvnu industriju Kantonalne privredne komore Tuzla.



D.K.



Obilježen Svjetski dan štednje...

NLB BANKA TRADICIONALNO UZ MLADE

- Obilježen Svjetski dan štednje – Tradicionalno Das posvećen mađoj populaciji
- Banka obilježila NLB Dan - Promovisana „NLB postepena štednja“ -



Zanimljive i edukativne prezentacije za najmlađe u većim poslovnicama

NLB Banka d.d., Tuzla je prigodnim aktivnostima obilježila 31. oktobar, Svjetski dan štednje. Kao i svake godine, ovaj dan Banka je tradicionalno posvetila mlađoj populaciji u cilju izgradnje i očuvanja svijesti o značaju štednje. Djeca iz obdaština i škola su imali priliku da prisustvuju edukativnim posjetama svim većim poslovnicama Banke, a u pojedinim gradovima su zaposleni Banke bili u obilasku školama jer jedno od poslovnih opredjeljenja Banke jeste upravo doprinos lokalnoj zajednici. Banka je za djecu pripremila interesantne prezentacije na temu značaja štednje uz promociju svojih štednih proizvoda i pripremila prigodne poklone. Obilježavanje Svjetskog dana štednje je nastavak kontinuiranih aktivnosti Banke na izgradnji svijesti o značaju štednje. Tome u prilog govori i činjenica da je krajem septembra 2013. godine Banka obilježila NLB Dan i tom prilikom je promovisan vrlo atraktivan proizvod „NLB Postepena štednja“, sa posebnim naglaskom na brigu za budućnost djece svojih klijenata. Uz ovaj proizvod, NLB Banka ima veoma raznovrstan asortiman štednih proizvoda prilagođenih specifičnim potrebama i mogućnostima svojih klijenata – namjenski i nenamjenski oročena štednja, otvorena, rentna, slobodna i junior štednja.

Direktor Centra retail NLB Banke, Ademir Salkić je istakao: „**Da su građani svjesni značaja štednje dokazuje i činjenica da u NLB Banci sa 30.09.2013. godine štednja iznosi 359 miliona KM, što je u odnosu na isti period prošle godine, povećanje za 11,2%. Nastojimo uticati na štedne navike klijenata i upoznajemo ih sa mogućnošću da redovnim mjesečnim uplatama, bez većih odricanja, uz izuzetno povoljne uslove oročenja i stimulativnu kamatnu stopu, koja iz godine u godinu raste, mogu postići određene finansijske ciljeve, a svojoj djeci osigurati budućnost kakvu zaslužuju.**« Razlozi za štednju u NLB Banci su prije svega stabilnost Banke, koja ima kontinuitet bankarstva dugog više od deset decenija i spada u vodeće finansijske institucije u Federaciji BiH, zatim kontinuiran rast štednje u zadnjih nekoliko godina, veoma raznovrstan asortiman štednih proizvoda, kao i konkurentne kamatne stope. Takođe, kako je saopćila agencija „pristop bh“, Banka je i članica programa osiguranja depozita, pri čemu štedne uloge klijenata dodatno osigurava Agencija za osiguranje depozita.





Predstavljamo firmu članicu Komore...

"KOMBAX" d.o.o. PURAČIĆ: „BIH TREBA BITI SERVIS EVROPSKOJ UNIJI“

- Male serije - dobre cijene!!! - Svjetska ekonomija je bazirana na malim i srednjim preduzećima što kod nas nije slučaj – Tekstilna industrija u BiH nema svijetlu budućnost -



"Kombax" d.o.o. Puračić je proizvodno preduzeće radne odjeće za sve djelatnosti. Na području BiH je jedan od prepoznatljivih privrednih subjekata koji se bave proizvodnjom širokog asortimana lične zaštitne radne odjeće rezultat pozitivnih i profesionalnih opredjeljenja menadžmenta, jeste realizacija zacrtanog cilja postizanja najvećeg nivoa zadovoljstva kupaca u bilo koje vrijeme, kao i podizanja nivoa zadovoljstva uposlenika i cjelokupnog društva. **"Mi smo još od početaka našeg rada sebi zacrtali jasnu viziju. Želimo biti stabilno privredno društvo u pružanju pouzdanih usluga klijentima na temelju "Prvi u kvalitetu i ugledu". Prepoznatljivost želimo ostvariti kvalitetom naših proizvoda, te postati respektabilno privredno društvo u BiH ali i van granica naše zemje. Opredijeljeni smo na kontinuirano poboljšanje svih naših proizvoda i usluga, a na veliko zadovoljstvo naših kupaca, naših poslovnih partnera. Veliku pažnju posvećujemo onome što smo dogovorili da našim partnerima. Poštujemo sve stavke ugovora, radimo kvalitetno već od prvog ugovorenog posla, tako da kvalitet naših radova i usluga u potpunosti ispuni potrebe i očekivanja kupaca. Stava smo da su najvažniji kriteriji kvalitete, dugoročno, stabilno i pozitivno poslovanje, uspješna marketinška obrada tržišta, uvođenje novih tehnologija, širenje poslovanja na nova tržišta, zadovoljenje interesa kupaca, vlasnika i uposlenika. Domaćom radnom snagom, uz domaću pamet, napravimo proizvod po puno povoljnijoj cijeni, kvalitetno kao u Evropi"**, predstavio je svoju firmu Mehmed Bandić direktor i suvlasnik "Kombax" doo Puračić. Kako je istakao, u "Kombaxu" se već 15 godina proizvodi modna radna odjeća, savremeno dizajnira, kreirana u vlastitim radionicama pa ugledu na svjetske trendove. Pozitivno se posluje, odmjereno, bez velikih zaduživanja, velikih iskoraka. Obezbeđeni su svi mogući standardi, od jula 2011. godine su ponosni vlasnik certifikata za sistem upravljanja kvalitetom prema ISO 9001 standarda, posjeduju od 2012. godine i CE znak uz zahvalnost resornim ministarstvima, Federalnom i Kantonalnom.

"Sada možemo izvoziti u zemlje EU. Već izvozimo jedan dio naših proizvoda u Švajcarsku i želimo postepno izlaziti i na druga evropska tržišta mada smo bazirani uglavnom na domaće tržište", rekao je direktor Bandić. Ni ovaj privredni subjekat, kao ni mnoge druge, nisu zaobišle poteškoće koje je donijela svjetska ekonomska kriza ali i drugi problemi: **"Mislim da bi BiH trebala biti servis Evropskoj uniji, dakle, male serije a dobre cijene. Nikako hiperprodukcija, jer mi se ne možemo nositi sa velikim proizvodnjama kao što su u Bangladešu, Pakistanu, Kini, Indiji. Kod nas su troškovi proizvodnje veći nego u Evropi što direktno utiče i na cijenu. Veliki problem su i nameti države koji dodatno opterećavaju i proizvodnju i finalnu cijenu proizvoda. Veliki problem predstavlja i nedostatak kvalitetnih kadrova u našoj industriji, pa smo prinuđeni pristupiti prekvalifikacijama radnika. Svemu tome treba dodati i nedovoljnu zaštitu naših granica, veliku propusnost, ulazak nekvalitetne, otpisane na zapadu i loše robe, robe po damping cijenama. Nema ni stimulisanja od strane države za tekstilnu industriju, nemamo ni podrške kada su u pitanju krediti, otpis dugova, tolerancija kod uplate PDV-a. Svjetska ekonomija je bazirana na malim i srednjim preduzećima što kod nas nije slučaj, tako da nije svijetla budućnost tekstilne industrije u BiH"**, rekao je Mehmed Banić, direktor sa velikim iskustvom i znanjem u privredi.

D.K.



Sajamske aktivnosti...

PRIVREDA TK NA SAJMU "ZEPS" U ZENICI

- Bahrein prvi put na sajmu Zeps – Predstavljeno 386 izlagača iz 26 zemalja svijeta – Predstavljena Privreda TK –

Na 20. generalnom BH sajmu "ZEPS" koji je održan početkom oktobra u Zenici, učestvovalo je 386 izlagača iz 26 zemalja svijeta. Sajam je na svečanoj manifestaciji otvorio visoki predstavnik međunarodne zajednice u BiH Valentin Inzko ističući kako je ipak, i pored svih teškoća, u Bosni i Hercegovini moguć privredni uspjeh: **"Prisustvo kompanija svjedoči da BiH može i mora učestvovati na svjetskom tržištu. Bosna i Hercegovina može još više učiniti ukoliko se poduzmu svi politički i administrativni koraci kojima će se omogućiti lakše otvaranje stranih kompanija u BiH, čime ćemo dobiti i nova radna mjesta. Privredni uspjeh u BiH je moguć. Bili smo svjedoci opipljivog izvoza iz BiH, ali ono što je postignuto djelić je onoga što se može postići. Međutim, još nismo vidjeli preokret u nezaposlenosti, koja je porasla na 44%. Pošaljimo jasnu poruku svim odgovornim za ekonomsku politiku da su u Bosni i Hercegovini talenti, resursi, kreativnost, odlučnost i entuzijazam"**, rekao je prilikom otvaranja Sajma, visoki predstavnik Valentin Inzko. Na ceremoniji otvaranja još su se obratili i Ahmed Egrlić predsjednik Vanjskotrgovinske komore BiH te Munib Husejnagić

premijer ZDK te Abdulah Serdarević. Abdulah Serdarević, direktor Poslovnog sistema RMK, koji je organizator ZEPS-a je rekao nešto i o planovima u narednom periodu: **"Specifičnost ovogodišnjeg Sajma je nastup privrede Bahreina sa 25 kompanija. Namjera je, da se potpiše ugovor oko zastupanja u zemljama Golfskog zaljeva putem Privredne komore Bahreina, što bi idućih godina značilo rast broja izlagača na ZEPS-u"**, izjavio je direktor Serdarević. Zadovoljni organizacijom sajma te uopšte činjenicom da su prisutni na najvažnijem privrednom sajmu u Bosni i



Hercegovini, bili su i gosti iz Bahreina: **"Vjerujemo da će ovo izlaganje omogućiti učesnicima da prepoznaju dobre poslovne mogućnosti i veze bahreinsko-bosanskog krajolika"**, rekao je Ahmed Kadhem Isa Alsaheed u ime Privredne komore Bahreina, države koja je se ove godine prvi put pojavila na sajmu u Zenici. U okviru 20. generalnog BH sajma "ZEPS" u Zenici, održan je i 10. Međunarodni sajam metala "Intermetal". Uprilичeno je niz sadržaja u okviru sajamskih aktivnosti. Iz sadržaja izdvajamo poslovne susrete privrednika Bahreina i Bosne i Hercegovine, poslovne susrete privrednika Holandije i BiH i poslovne susrete privrednika Slovenije i BiH te konferenciju na temu "Energetska efikasnost i obnovljivi izvori energije-Berza projekata".

I ove godine je, doduše prilično skromno i ne na način kako je to do sada bio slučaj, predstavljena i privreda Tuzlanskog kantona. Predstavljajući "Privreda TK" koje tradicionalno organizuje Kantonalna privredna komora Tuzla, izostalo je ove godine ali je privreda sa našeg kantona bila prisutna na najznačajnijoj sajamskoj manifestaciji u Bosni i Hercegovini i ove godine. Zajedničko predstavljajući privreda Bosne i Hercegovine kao i u Bihaću na sajmu "Ekobis", organizovala je organizuje Vanjskotrgovinska/spoljnotrgovinska komora Bosne i Hercegovine. Uz organizatora i nosioca aktivnosti VTK/STK BiH, prilikom da predstave privredne subjekte imali su Privredna/Gospodarska komora Federacije BiH, Privredna komora Republike Srpske, Privredna komora Brčko Distrikta a u okviru zajedničkog izložbenog prostora, Kantonalna privredna komora Tuzla je dobila priliku da kataloški predstavi sve privredne subjekte sa područja Tuzlanskog kantona, članice Komore, koje su izrazile želju za predstavljanjem na jubilarnom sajmu "Zeps" u Zenici.



D.K.



Sajamske aktivnosti...

12. SAJAM PRIVREDE "BRČKO 2013"

- Sajamski prostor – Luka Brčko – Ukupno 210 izlagača iz 5 zemalja -



Međunarodni sajam privrede "Brčko 2013" održan je od 14. do 17. novembra u prostoru brčanske Luke, kako je to još krajem ljeta najavio predsjednik Privredne komore Brčko distrikta Miroslav Pančić. Organizaciju sajma koju potpisuje vrijedna ekipa Privredna komora Brčko Distrikta pratilo je niz aktivnosti. Jedna od njih je i druženje s novinarima kako bi se predstavilo sve ono što je urađeno i što treba uraditi da bi sajam, kao i u prethodnih 10 godina, bio uspješan i zaradio čistu desetku za organizaciju. 12. sajam je održan u adaptiranom prostoru brčanske "Luke" na 3.000 metara kvadratnih zatvorenog prostora. Zajednički je stav i organizatora ali i svih učesnika da je ovo jedan od najuslovnijih sajamskih prostora ali i da treba težiti ka izgradnji novog, vlastitog i namjenskog sajamskog prostora koji bi pružio još više mogućnosti za kvalitetniju organizaciju,

još povoljni uslove za predstavljanje prirede i samim tim povećanje broja izlagača.

Sajam je svečano otvorio predsjednik Skupštine Brčko distrikta BiH Đorđa Kojić koji je naglasio da je u današnje vrijeme veoma teško okupiti više od 200 privrednika na jednom mjestu. **„Bez obzira na mnoštvo problema koje smo imali tokom organizacije uspješno smo realizovali još jedan sajam i uspjeli smo dovesti više izlagača nego prošle godine”**, istakao je dotpredsjednik Privredne komore Brčko distrikta BiH Sead Slomić. Sekretar ove asocijacije Nenad Vuković napomenuo je da će "Privredna komora Brčko Distrikta" kao organizator, nastojati da u narednom periodu brendira ovu sajamsku manifestaciju i da je podigne na viši nivo. **"Ovogodišnji sajam je poslužio kao najava mogućnosti da u idućoj godini održimo prvi regionalni međunarodni sajam lučkih gradova"**, izjavio je Nenad Vuković sekretar Privredne komore Brčko Distrikta. Na ovogodišnjem Sajmu privrede predstavilo se 210 učesnika iz BiH, Srbije, Hrvatske, Makedonije i Egipta. Pokrovitelj je sa obezbijeđenih 90.000 konvertibilnih maraka bila Vlada Brčko distrikta. Kantonalna privredna komora Tuzla gaji odlične poslovne odnose sa Privrednom komorom Brčko Distrikta. Nerijetko se i dešavaju i zajednički sajamski nastupi i sasvim je sigurno da će ih biti i u narednom periodu. Kao plod kvalitetne saradnje jeste i predstavljanje privrede sa područje Tuzlanskog kantona koje na ovom sajmu, sada već tradicionalno, organizuje Kantonalna privredna komora Tuzla a na izložbenom prostoru koji je obezbijedila Privredna komora Brčko Distrikta. Izvanredan primjer međukomorske saradnje i ove godine je doveo do sajamskog nastupa koji je zadovoljio obje strane, posebno one kojima je i namijenjen, privrednika sa područja Tuzlanskog kantona.

➤ "PRIVREDA TK"

Na 12. sajmu privrede "Brčko 2013" zajedničku postavku pod nazivom "Privreda" TK činili su slijedeći privredni subjekti: **MAT – Međunarodni aerodrom Tuzla**, "Borplastika Eko" doo Tuzla, "Belladona" Tuzla, "Corn Flips" Srebrenik, "Fana" doo Srebrenik, "Golden tours" Tuzla, "ELLE travel" Tuzla, "Relax" Tuzla, "Gradačacki sajam" doo Gradačac, "Helios" dd Banovići - Industrija domopreme, "Elegance" Tuzla, "Herceg" doo Srebrenik, "Imel" doo Lukavac, "Indira" doo Gradačac, "Menprom" doo Gornja Tuzla, "Meraklija" - Destilacija MN Seona Srebrenik, "Naturprodukt" doo Gradačac, "Omega" dd Živinice, "Piemonte" doo Tuzla, "Pivara" dd Tuzla, "PRO PAK" doo Tuzla, "Seif" doo Kalesija, "Solana" dd Tuzla, OPG "Veselčić" Špionica, Turistička zajednica Tuzlanskog kantona, "Tehnopak" Tuzla, Udruženje žena poljoprivrednih proizvođača "Agro Vražići", "Veda" - "Porta Naturae" doo Srebrenik, "Voćni rasadnik" doo Srebrenik, "Xella BH" Tuzla, "Izazov" Kalesija, Općina Tuzla, Vlada Tuzlanskog kantona.

D.K.





ODRŽANI TRADICIONALNI SUSRETI MEĐUNARODNIH CESTOVNIH PRIJEVOZNIKA



Vanjskotrgovinska komora Bosne i Hercegovine i Ministarstvo komunikacija i transporta Bosne i Hercegovine organizirali su tradicionalne jesenje susrete bosanskohercegovačkih međunarodnih cestovnih prijevoznika pod nazivom "Aktualna kretanja u međunarodnom cestovnom prijevozu". Susretima, koji su održani 8. i 9. novembra u hotelu Tuzla u Tuzli, priustvovalo je oko 200 učesnika, predstavnika bh. kompanija, resornih institucija i komorskog sistema. Kako je saopćeno iz Vanjskotrgovinskog/Spoljnotrgovinske komore BiH, susreti su organizirani u cilju upoznavanja prijevoznika s aktualnim događajima u Europskoj uniji, susjednim zemljama i BiH te da se razmijene informacije i detektiraju otvorena pitanja kao i mogući načini njihovog rješavanja.

"MENPROMOVA" DONACIJA MUP-U TK

U prostorijama MUP TK-a, u prisustvu ministra Zorana Teofilovića i v.d. policijskog komesara Samira Aljukića, policiji MUP TK-a uručena je vrijedna donacija od strane privrednika – vlasnika Mesne industrije "Menprom". Radi se o šezdesetpet (65) baterija za policijske prenosne radio uređaje (Motorole), koje će znatno doprinijeti materijalno-tehničkoj opremljenosti policije, te većoj efikasnosti u radu policijskih službenika i većoj sigurnosti građana općine Tuzla. Ministar i v.d. policijski komesar su ovom prilikom izrazili veliku zahvalnost gospodinu Mensuru Aliću na ukazivanju podrške MUP TK-a i uručenoj donaciji, koja će unaprijediti obavljanje svakodnevnih policijskih poslova i zadataka, prije svega operativni rad na terenu. Donirana oprema će u narednom periodu biti planski raspoređena i data na korištenje policijskim stanicama PU Tuzla.



POTPISAN UGOVOR O IMPLEMENTACIJI IMELBIS I DMS SISTEMA

Javno preduzeće Grijanje d.o.o. i IMEL d.o.o. potpisali su u oktobru 2013.godine Ugovor o implementaciji IMELBIS ERP i DMS sistema. Informacioni sistem se planira implementirati u naredna tri mjeseca a podijeljen je u dvije faze. Tokom prve faze fokus će biti na BIS ERP a u drugoj fazi odradit će se implementacija DMS sistema. JP Grijanje počelo je sa radom davne 1967 godine i to sa isporukom toplotne energije za grijanje stambenog i poslovnog prostora grada Zenice, zatim toplifikacijom gradskih, a kasnije i prigradskih mjesnih zajednica. Implementacijom pmenutih sistema očekuje se smanjenje troškova poslovanja, dobijanje kvalitetnih izvještaja koji će moći pravovremeno podržati menadžment u donošenju odluka, kao i jednostavno i pristupačno upravljanje dokumentima.



NOVO NA TRŽIŠTU: BRIKETIRANI UGALJ FIRME RIMP TUZLA

Kako idu hladniji dani, tako je povećana potražnja kako za izvorima toplote, tako i za drvima, ugljem, peletom i svim ostalim što može zagrijati naš dom. Za bilo šta od ovoga da se odlučite, znajte da je potražnja velika, a energenata malo. Tako je ovih dana i povećanja potražnja za mrkim ugljem budući da rudnici Ugljevik i Kakanj nemaju toliko ovog energenta, kolika je potražnja za njim. No briketirani uglj firme Rimp d.o.o. Tuzla se u svako doba može naći u prodaji. Trenutno je zastupljen u tržnim centrima Robot comerca, ali uskoro će se moći kupiti i na drugim prodajnim mjestima. Inače, briketiranje uglja je nova djelatnost Rimp iz Tuzle, koji se bave i projektovanjem, montažom i ugradnjom geotermalnih toplotnih pumpi. Kako za ekapija.ba kaže direktor ove firme, Nusret Hadžiibrišević, briketni uglj je pakovan u vrećama od 25 kilograma i veličine je jednog limuna. Kako ističe njihova proizvodnja nije velika i neće u velikoj mjeri promijeniti stanje na tržištu, ali će svakako pomoći. Rimp dnevno proizvede od 40 do 50 tona ovog uglja. Trend pakovanja uglja u brikete u Evropi je prisutan odavno, no sada ga sve više prihvata i naše tržište. Briketi od uglja spadaju u ogrijev koji ima bolje karakteristike od samog uglja, a najveća mu je prednost što ima jako nizak nivo sumpora i pepela. Ugljeni briketi se mogu automatski ložiti što eliminiše problem oko stalnog održavanja vatre. Granulacije briketnog uglja veličine oraha ili limuna zbog svoje iznimne kvalitete i kalorične moći koriste se u zagrijavanju domaćinstava bilo da ložite peć-šporet ili da imate vlastiti sistem centralnog grijanja. Briketi su inače najekonomičniji način korištenja čvrstih sredstava za grijanje sa jedne strane, i najčistiji način grijanja stambenog ili poslovnog prostora sa druge strane. Korištenje otpadne strugotine i ugljene prašine u briketiranom (presovanom) stanju daje energetsko-kalorijske vrijednosti iznad vrijednosti najkvalitetnijeg uglja, a pri tome je doprinos zdravlju čovjekove sredine nemjerljiv. Briketi prilikom sagorijevanja u bilo kojim sistemima grijanja na čvrsto gorivo, ne stvaraju nikakve štetne produkte osim onih koje je priroda definisala. Dakle, nema pepela, štetnih gasova i slično. Dodatna prednost ugljenog briketa je i u tome što održava konstantnu temperaturu pa time nalazi široku primjenu u ugostiteljskim objektima i restoranima.

Priredio: D.K.





Iz Vlade Tuzlanskog kantona...

ODRŽANI SEMINARI: POSTUPCI I NAČIN UVOĐENJA CERTIFIKACIJE PO MEĐUNARODNIM STANDARDIMA

- U oktobru i novembru održano pet seminara sa tematskim cjelinama: *BAS EN ISO/IEC 17020:2012 - Zahtjevi za rad raznih tipova tijela za obavljanje inspekcije i BAS EN ISO/IEC 17025:2006 - Opći zahtjevi za kompetentnost ispitnih i kalibracionih laboratorija, BS 16001: 2009, ISO 50001: EN 2011 - Presentacija standarda za Energetske menadžment sisteme, CE znak - Usklađenost sa propisima prilikom izvoza u EU, EN ISO 3834 Zahtjevi za kvalitet zavarivanja metalnih materijala i HACCP/ISO 22000 Sistemi zdravstvene sigurnosti u prehrambenoj industriji -*

U cilju podrške razvoju poduzetništva na području Tuzlanskog kantona, a naročito u aspektu jačanja konkurentnosti malih i srednjih preduzeća i obrta, Ministarstvo razvoja i poduzetništva Tuzlanskog kantona nastavilo je sa praksom organizacije besplatnih seminara/predavanja o postupcima i načinima uvođenja različitih tipova certifikata po međunarodnim standardima. U proteklom periodu održano je ukupno pet besplatnih seminara. Nakon što su na prva dva seminara obrađene tematske cjeline BAS EN ISO/IEC 17020:2012 - Zahtjevi za rad raznih tipova tijela za obavljanje inspekcije i BAS EN ISO/IEC 17025:2006 - Opći zahtjevi za kompetentnost ispitnih i kalibracionih laboratorija i BS 16001: 2009, ISO 50001: EN 2011 - Presentacija standarda za Energetske menadžment sisteme, uslijedila je organizacija i preostala tri seminara. U organizaciji Ministarstva razvoja i poduzetništva Tuzlanskog kantona održan je treći u nizu od pet besplatnih seminara iz oblasti međunarodne certifikacije, a na temu Postavljanje CE znaka - Usklađenost sa propisima prilikom izvoza u EU. Seminaru je prisustvovao 21 polaznik iz ukupno 13 preduzeća i institucija, a predavač je bio mr sci Dragan Simović vodeći auditor firme BH QUALITY iz Tuzle, koji je polaznike seminara upoznao sa direktivama Novog pristupa, usvajanjem i principima CE označavanja, proizvodima koji su obavezni nositelji CE znaka, proizvodima koji se ne označavaju, te mehanizmima nadzora tržišta i sistemima za razmjenu informacija. Učesnici koji su došli iz organizacija koje su već uvele pomenute certifikate su dobili priliku da iznesu svoje sugestije, da razmijene iskustva sa predavačem i ostalim prisutnima, te da postavljaju pitanja o problemima sa kojima se susreću u praksi.



Četvrti u nizu od pet besplatnih seminara iz oblasti međunarodne certifikacije održan je na temu Sistem zdravstvene sigurnosti u prehrambenoj industriji HACCP/ISO 22000. U uvodnom dijelu prisutnim poduzetnicima se prigodnim riječima obratio Ministar razvoja i poduzetništva u Vladi TK Petar Simić. Predavač na ovom seminaru bio je prof. dr Husein Keran lead auditor Agencije HASAP Lukavac koji je govorio o ciljevima i istorijatu HACCP-a, preduvjetnim programima, dobroj higijenskoj i proizvođačkoj praksi, o HACCP planu, identifikaciji opasnosti i analizi rizika, određivanju kritičnih kontrolnih tačaka i granica, monitoringu i korektivnim mjerama nad kritičnim kontrolnim granicama, kao i o sljedivosti u prehrambenoj industriji. Prezentiran je i dobar primjer prakse uvođenja ovog standarda u preduzeću Coly Company d.o.o Lukavac od strane Mirele Beganović, dipl.ing vođe HACCP tima. Ministarstvo je, prema planu, organizovalo i peti besplatni seminar iz oblasti EN ISO 3834 Zahtjevi za kvalitet zavarivanja metalnih materijala u saradnji sa Udruženjem za razvoj NERDA.

D.K.





Iz Udruženja za poljoprivredu...

SJEDNICA GRUPACIJE TOVLJAČA JUNADI

- Tovljači junadi u TK susreću se sa brojnim preprekama



Grupacija tovljača junadi Tuzlanskog kantona održala je danas sjednicu proširenog odbora. Na Dnevnom redu je bio problem administrativnih prepreka sa kojima se suočavaju poljoprivrednici ovog kantona.

Predsjednik kantonalnog Udruženja tovljača junadi Mustafa Kulić, problem vidi u dobijanju računa od klaonica kojima se stoka isporučuje. Mišljenja je da su te klaonice favorizirane od resornog federalnog ministarstva.

Proizvođači mesa posljednjih godina mnogo su uložili u specijalizaciju, nadajući se da podrška resornih institucija neće izostajati. Međutim, prema riječima Abide Jahić, predsjednice Udruženja poljoprivrednika općine Gračanica, nekome očito smeta organizovana proizvodnja mesa na području Tuzlanskog kantona. Na ovoj sjednici pokušalo se iznaći rješenje kako bi se savladale administrativne barijere. Rješenje problema se očekuje do proljeća.

Popularizacija stočarstva ...

"4. IZLOŽBA STOČARSTVA GRAČANICA-DOBOJ ISTOK 2013"

U cilju popularizacije stočarstva ZZ "Gračanka" u saradnji sa općinama Gračanica i Doboj Istok, organizovala je 4. izložbu stočarstva. Ovoj značajnoj manifestaciji, u okviru opsežnih i temeljitih priprema, prethodila je i konferencija za novinare koja je upriličena u Kantonalnoj privrednoj komori Tuzla. Kako je istaknuto na ovom druženju sa novinarima, 4. izložba stočarstva je prilika svim zadrugama, zadrugarima, svi stočarima, farmerima, da predstave i promoviraju dostignuća i napredak u razvoju stočarstva uopšte kao i pojedinih poljoprivrednih gospodarstava. Na sajmu se ove godine predstavilo 38 izlagača goveda, 4 izlagača konja, ovača kao i uzgajivači autohtonih peradi, proizvođači stočne hrane, izlagači domaćih i tipičnih proizvoda. Kako je nakon 4. izložbu stočarstva rekao Rasim Husić direktor ZZ "Gračanka", zadruga širom svijeta danas upošljavaju više od 100 miliona ljudi, više nego internacionalne kompanije jer one imaju potrebu a ne pohlepu. **"To su preduzeća sa zajedničkim vlasništvom i demokratskim upravljanjem. Jedna od najuspješnijih zadruga u BiH je ZZ "Gračanka" koja to svojim rezultatima dokazala bezbroj puta. Ovogodišnji ukupan prihod ZZ "Gračanke" iznosi 4 miliona KM, a planom je predviđeno proizvesti i plasirati 3 miliona litara mlijeka i preko hiljadu tona voća i povrća. Proširena je proizvodnja na više općina sa obje entitetske linije, ukupno preko 1.000 zadrugara i kooperanata. Ovaj model, poslovnog i poduzetničkog udruženja farmera i nema alternativu u poslovanju u malih i srednjih poljoprivrednih gospodarstava"**, izjavio je direktor Husić.



Uprkos poteškoćama poslovanja na tržištu, do danas je Gračanka uspjela isplatiti preko 80% ukupne proizvodnje. Direktor Husić je istakao i podršku koja ove godine u organizaciji izložbe nije izosala: **"Veliki je broj sponzora koji su dali podršku ovogodišnjem sajmu, općine Gračanica i Doboj Istok, ministarstva poljoprivrede FBiH i TK, poljoprivredna udruženja, mnogobrojne kompanije i resorne institucije."** Na ceremoniji otvaranja izložbe u ime općina Gračanica i Doboj Istok obratio se Damir Avdaković, viši stručni saradnik za poljoprivredu u općini Doboj Istok koji je istakao značaj postojanja i rada ZZ Gračanka na ovom području u čemu će imati podršku ovih općina i dalje. **"Poljoprivreda treba da ima značajno mjesto u društvu, jer je to veoma bitan resurs na koji se naš kanton i zemlja u cjelosti mogu osloniti, a ZZ "Gračanka" je najbolja adresa na koju se poljoprivredni proizvođači mogu obratiti"**, izjavio je Zihinja Bošnjaković predsjednik zadržnog saveza BiH. U programu sajma prikazani su: praktična priprema domaćeg pekmeza na stari način, potom demonstracija obrade papaka, proglašenje najboljih proizvođača mlijeka i vlasnika grla. Posjetioci su mogli uživati u degustacijama gotovih prehrambenih proizvoda spravljenih na domaći način po tradicionalnoj recepturi ovdašnjeg stanovništva i uvjeriti se u visoku razinu kvaliteta. Pored promocije, izložba je imala i takmičarski karakter, a predstavljene su i određene kulturne i tradicijske vrijednosti ovog kraja. Izložba je i ovoga puta okupila proizvođače sjemena i gnojiva, predstavnike prehrambene industrije i trgovce. Održane su i vrlo korisne demonstracije zaštite životinja.


D.K.




Privredna kretanja - januar/septembar 2013. godine

PRIVREDNA KRETANJA NA PODRUČJU TUZLANSKOG KANTONA


U devet mjeseci 2013.godine, ostvaren je rast obima industrijske proizvodnje u odnosu na isti period prošle godine u vrijednosti od 1%. Privreda Tuzlanskog kantona u septembru 2013. godine u odnosu na prosjek 2012. ostvarila rast industrijske proizvodnje od 8,0%. Prema glavnim industrijskim granama, pad je zabilježen u proizvodnji kapitalnih proizvoda (-2,4) i netrajnih proizvoda za široku potrošnju (-14,7%), dok je rast proizvodnje zabilježen kod proizvodnje energije (5,5%), intermedijarnih proizvoda (19,3%) i trajnih proizvoda za široku potrošnju (42,1%). U deset privrednih grana je došlo do pada proizvodnje u odnosu na prosjek iz 2012.godine, dok je rast ostvaren u 15 privrednih grana.



U prvih devet mjeseci 2013. godine iz Tuzlanskog kantona ukupno je izvezeno proizvoda u vrijednosti od 782.504.000 KM što je u odnosu na isti period prošle godine rast od 5,39%. U isto vrijeme je došlo i do rasta uvoza od 1,65% te je uvezeno roba u vrijednosti od 933.724.000 KM. Pokrivenost uvoza izvozom je 83,80%, a u istom periodu prošle godine je bila 80,83%. Vanjskotrgovinski deficit je 151.220.000 KM. Rast izvoza je u svim kategorijama. Kod uvoza, pad je zabilježen kod uvoza goriva i maziva (-21,1%) i proizvoda za široku potrošnju (6,3%), a u ostalim kategorijama je zabilježen rast uvoza. Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.



Prema podacima Federalnog zavoda za zapošljavanje, na početku septembra 2013. godine u Tuzlanskom kantonu je bilo zaposleno ukupno 80.146 osoba. U odnosu na prethodni mjesec, broj zaposlenih je manji za 0,8%, baš kao i u odnosu na prosjek 2012.godine. Prerađivačka industrija i trgovina zapošljavaju najviše osoba. Prema podacima Federalnog zavoda za zapošljavanje, u septembru 2013.godine je registrovano 99.961 nezaposlenih osoba ili 0,54% manje u odnosu na avgust 2013. Prema stručnoj spremi, najviše je KV i NKV radnika, a slijede osobe sa srednjom stručnom spremom.



Prosječna neto plata u Tuzlanskom kantonu iznosi 734,00[□] KM što je ispod prosjeka Federacije BiH. U odnosu na kantonalni prosjek iz 2012.godine, došlo je do pada neto plaća za 0,1%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, plinom i vodom, dok su najniže prosječne neto plate u građevinarstvu.

STRUČNA SLUŽBA KOMORE

Kupovina na rate

BEZ
KAMATE
I NAKNADE

Više mogućnosti, više slobode!

Sa kreditnom MasterCard Charge karticom NLB Banke

Izaberite jednostavan i siguran način plaćanja sa MasterCard Charge karticom NLB Banke, koja Vam pored odgođenog plaćanja do 50 dana, od sada omogućava i plaćanje na rate.

- **Gdje?** Na prodajnim mjestima koja su označena naljepnicom Banke „Kupovina na rate“
- **Na koliko rata?** Do 12 rata, bez kamata i dodatnih troškova
- **Iznos kupovine?** Zavisno od visine raspoloživog limita na Vašoj MasterCard Charge kartici
- **Dodatna dokumentacija?** Nije potrebna

Još uvijek nemate NLB MasterCard Charge kreditnu karticu?
Posjetite najbližu poslovnicu NLB Banke i zatražite svoju karticu!

NLB  Banka
Znam zašto.